



法制



陸軍部新定勳章章程及圖式

(甲)勳章之種類

- 一 第一種給與民國陸海軍人之有特別戰功者曰九鼎勳章
- 二 第二種給與民國陸海軍人之有尋常戰功者曰虎熊勳章
- 三 第三種給與民國一般爲國盡瘁功勞卓著人員者曰醒獅勳章

(乙)各種勳章之用法

(一)九鼎勳章

(子)九鼎勳章分九等卽自頭等以迄九等

(丑)得有九鼎勳章者每年按照等級由國家給與年金以至該本人死亡之日爲止

(寅)九鼎勳章頭等年金千元二等年金八百元三等年金六百元四等年金五百元

五等年金四百元六等年金三百元七等年金二百元八等年金百元九等年金

五十元

(卯)頭二等九鼎勳章給與陸海軍上等軍官自三等至六等九鼎勳章皆可給與陸海軍上中次等軍官自六等至九等勳章皆可給與陸海軍士兵

(辰)給與九鼎勳章時附給證明書書內詳載受給與者之特別戰功以後給領年金均以此證明書爲據

二虎罷勳章

(子)虎罷勳章分九等卽自頭等以迄九等

(丑)得有虎罷勳章者僅於戰爭結局後給與勳金一次其數卽頭等千五百元二等千二百元三等千元四等八百元五等六百元六等四百元七等三百元八等二百元九等百元

(寅)自頭等至六等虎罷勳章皆可給與陸海軍上中次等軍官自六等至九等虎罷勳章皆可給與陸海軍士兵

三醒獅勳章

(子)醒獅勳章分九等卽自頭等以迄九等

(止)得醒獅勳章如係褒賞名譽者無賞金其他均有賞金但其賞金數目臨時酌定
多寡不拘

(寅)各等醒獅勳章均可賞與爲國家辦事人員及陸海軍官佐士兵但以民國人爲
限

四凡既得各種勳章之人其後更立戰功或另有功勞者可換給同種較高等之勳章或
加賞他種勳章

(丙)勳章之形狀及取義

一 九鼎勳章中刻黃帝像列五兵於其身旁外圍以九鼎(參看附圖)其取義卽黃帝作
五兵揮斥百族定九鼎以顯揚戰功是也

二 虎罷勳章中刻虎罷兩獸外圍以花紋(參看附圖)其取義卽前有士師則載虎罷以
表揚佩此之軍人有如虎罷之勢也

三 醒獅勳章中刻一獅外圍花紋上刻一古鐘(參看附圖)其取義卽自由鐘聲驚醒全
國同胞是也

(丁)勳章之區別

各種勳章之頭二等者佩於上衣左胸部下方另由左肩至右脇下懸大綬一條頭等大綬金色二等大綬銀色(參看附圖)三等者懸於上衣正中第一扣上其綬紅色上有白花一朵(參看附圖)四等至九等者均懸於上衣左胸部上方四等綬紅色五等綠色六等黃色七等白色八等藍色九等紫色(參看附圖)

(戊)勳章給與規則

一凡在戰場有下列特別戰功者給與第一種勳章

(子)奪獲敵人標旗大砲或捕獲敵軍軍官者

(丑)身雖受傷尙力疾從事戰鬪者

(寅)在戰場中勇敢率先堪爲他人表率者

(卯)在戰鬪間其行爲及處置善良與全軍或全體有關繫者

(辰)於最困苦缺乏悲慘之時尙能泰然從事戰鬪足振起他人志氣者

(己)冒險前進偵探得敵人軍情虛實或位置者

- (午)能冒險從事達任務中最重之目的者
 - (未)運籌得法指揮調度適宜致獲全功者
 - (申)決死進行達目的後尙生還者
 - (酉)奮不顧身以救護長官者
 - (戌)右列各條之外其事實功績卓著迥異尋常者
- 二凡在戰場有下列尋常戰功者給與第二或第三種勳章
- (子)力疾從事戰鬥者
 - (丑)奪獲敵軍重要軍械及捕獲敵軍目兵者
 - (寅)戰鬥勇敢率先者
 - (卯)冒險從事雖未達目的確經履行其任務者
 - (辰)在戰鬥間其行爲處置極善良者
 - (巳)指揮調度得法者
 - (午)出征人員於同僚之中任事最爲得力者

(未)於右列各條之外其事實功績顯著確實者



司法部咨覆內務部查明馬良果係違法應咨江蘇都督立即取銷文

案准貴部咨稱據江浦商會浦口市議事會爲馬良誣讎人民據實糾正請飭令告退事具呈附議案五條并抄錄馬良告示原文均另抄附等情據此查內務司非地方行政官廳不應有干預地方行政及揭示人民權限乃馬良以內務司名義發示將湯泉一帶地段擅行支配并發起創設龍洞山莊附設湯醫院暨各種事業不惟侵越地方行政職權且其通告及湯泉告示詞義又顯有謾罵訕笑及種種悖謬情形殊失民國執政官體式及尊重地方人民之態度今據該呈實已不孚人望衆共棄之究未便置輿論於不顧也爲此咨行貴部請卽令行南京審判廳察究辦理等因准此查馬良將湯泉一帶地段擅行支配并發起創設各種事業既據該商會議事會等稟控貴部應由貴部派員切實查明馬良所行各處分果係違法卽由貴部咨明江蘇都督立即取銷以孚輿論并予以相當懲戒可也特此咨覆請煩查照此咨

內務部規定巡警學校暨教練所章程咨各省都督文

案自民國成立凡百待興將欲鞏固其基礎必先修明夫內治內治機關首重警政欲求整頓尤須以改良警學養成警才爲前提前清辦理警務非不知注重於興學育才祇以敷衍積習視爲慣常因陋就簡遂致良果難收本部現在整頓警政先從改良警學入手經將南京舊時所設之高等巡警學堂校地改設巡警學校由本部自行籌辦直接轄管並附設巡警教練所以爲養成學警地步業於日前開校所有一切章程經本部詳細擬定呈由大總統核飭准照辦理在案查現時各省警察大都皆沿襲前清之遺欲改良非振興警學不可但警學規制必須統一始免程級參差茲謹將本部所訂章程咨送貴都督以便籌辦警學時查照辦理惟所附之教練所簡章祇定兩月原以此地巡警需人爲急就章起見故仿日本巡查教習所成法規定期間雖促而每日課授七鐘每鐘皆以六十分鐘計算以鐘點之有餘補日期之不足較諸尋常以日課四鐘以半年爲期者實亦所差無多貴省籌辦時此項教練所學期或照本部現章或卽伸長期限一請相機酌核通飭照辦可也相應將警學章程備文咨送請煩貴都督查照施行此咨



大總統令交通部取締電報文

一等官電之設原爲傳遞緊要公文務求捷速起見乃查近日來去電文長者輒至數百千言司電報者收發一電動經十數小時始能完結是不免以一人一事之交通致碍各方之信報推原其故實緣官電往來概未取費發電之人遂致不知剪裁往往以單簡之事由發爲繁重之言論煩人廢時幾忘設電本意甚至匿名詆毀亦借官電傳達此則官署如林得印甚易發送無費恣意何難若不設法限制不特於交通有妨抑恐別生枝節致碍要政爲此令仰該部迅卽擬一暫行條例規定每電至長不得過若干字并於各處官電酌量取資若干通飭遵行以示限制而杜流弊此令

內務部令南京府知事發給守陵米麥銀兩錢文文

頃據周連科李德明稟稱世守明太祖皇陵子孫相承五百餘年有田五百餘畝在朝陽門外東西土街海子河堰等處明時由守陵人收租作爲工食迨前清時田租歸上元縣徵收除春秋二祭用款外每年撥歸守陵人工食米二十八石麥二十七石錢十六千文

又每年小祭期如正月初一十五清明端午七月十五八月十五九月初九十月初一冬至立春十二月二十三及除夕計十二次每次給銀二兩共二十四兩均逐年發給今民國肇興請飭令南京府知事照舊頒發銀米前來查孝陵乃前皇坏土防衛不可不周該執事請領米銀自應照准況現今大漢重光中原底定明祖有靈應含笑於地下吾人拜瞻陵寢憑吊河山痛癘腥者二百年竟雪新亭之恨鞏磐石於千萬禩長懷故主之思爲此仰該府知事遵照辦理並查明田產若干收歸該府管理每年所入除一切應用外概歸葺理房屋平治道路之用隨時飭令守陵人認真整理毋任傾圮蕪穢以重職守而妥靈皇所有出入用項仰卽報部備查可也此令

大總統批馬伯援等請撥款作武漢死義烈士遺孤教養所經費呈

呈悉民國開創武漢實爲首功而齎烈士血戰捐軀其死義亦最烈該發起人等擬設遺孤教養所既孚博愛之精神亦協報功之典禮殊堪嘉尙所請撥給公價票二萬元作爲開辦費之處已令行財政部照撥矣此批

大總統令財政部撥款作武漢死義烈士遺孤教養所經費文

據馬伯援居正丁仁傑查能一李俊英張權張楚飴漢信胡若龍楊瑩但震呈稱竊維武漢一呼天下響應專制倒幕百度維新聯五族爲一家合南北爲一體庶政概從公意元咸得自由民國基礎至是確立微我武漢諸先烈士擲其頭顱棄其妻孥以爲代價寧克底此伯援等嘗側身赤十字會目擊戰地暴屍數十里地方爲之赤戰事方劇轉戰傷者之行列有如魚貫瘡痍滿目呻吟晝夕昔人所謂肝腦塗中原膏血潤草野者殆無以逾此夫諸先烈既慘淡經營締共和之幸福遺之後人而已身不獲享或乃有茹痛忍苦齋遺憾以沒者吾人飲水思源而不謀所以報之何以對諸先烈於地下顧死者已矣報之曷及而後裔以失恃而家計艱難無以爲生爲數夥頽遑論教育之事若將其子若女集於一處幼者育之長者教之俾後長成擅一技之藝足以自立同享共和之幸福是亦稍慰英魂之道此伯援等發起遺孤教養所之微志也理合聯詞呈請大總統察核並懇令下財政部撥給公債票二萬元作爲開辦經費曷勝翹企之至等情前來查民國開創武漢實爲首功而諸烈士死事之慘亦獨烈該發起人等遺孤教養所之設既昭博愛之忱亦協報功之義所請撥給公債票二萬元之處卽由該部照撥可也此令

大總統批陸軍部請優卹烈士劉道一并附祀忠烈祠呈

呈悉應准如所請仰卽查照給卹楊烈士卓林例一體辦理可也此批

附原呈

爲呈覆事本月二十七日奉大總統令開茲據汪兆銘等呈稱湖南烈士劉道一遊學日本與其兄揆一密謀光復結會黨首領馬福益於甲辰冬起兵瀏陽事敗乘間走日本苦心計畫聯絡會黨傳播革命思想歲丙午復與黨首蕭克昌等起義於萍瀏澧等處事敗被逮獄吏用酷刑訊供不得遂以烈士佩章所鐫鋤非二字定獄從容就義死事極慘方今民國成立共和永建凡從前爲國死義之士均已先後表章各在案烈士盡瘁革命屢蹶愈奮聯絡各黨鼓勵民氣厥功甚偉而慘遭囚清官吏之毒殺遺骸至今未掩行路悲哀允堪憫惻自應准予列入大漢忠烈祠同享祀典並將事迹宣付國史院立傳應得卹典仰陸軍部查照卹賞章程從優核辦以順輿情而慰忠魂爲要此令等因奉此遵卽飭由軍衡局核議去後茲據覆稱劉烈士道一盡瘁革命爲國捐軀應請援照給卹楊烈士卓林例優給劉道一卹金一千元并附祀大漢忠烈祠以示體

值而慰幽魂部長覆駁無異理合備文呈請鑒核可否仰候批示祇遵此呈

教育部批爪哇日惹埠中華學校請立案呈

呈悉查初等小學畢業應請地方官立案華僑學校遠隔海外亦未駐有領事與國內情形不同立案一節自應照准惟披閱畢業各生履歷表多十四歲至十七歲者該校既以養成初級師範爲宗旨此種初等畢業學生年齡過大勢不能盡行升入高等小學又安望其升入初級師範此後招收新生宜注意學齡學齡已過者當別設補習科庶學校得造就全材而年長者仍無失學之慮該總理等不忘祖國輸款興學熱心教育深堪嘉許尙期遵照部頒暫行辦法通令始終維持力求完備本部有厚望焉

教育部批中華民國大同會請撥款創設蒙回藏師範學校呈

呈悉中華民國既合五大民族而成自應施以同等教育蒙回藏語文各異尤應首先養成師資該會以聯絡五族爲主義復創設蒙回藏師範學校意在廣施教育共同進化深堪嘉尙本部成立伊始經費異常竭蹶所請先撥開辦費五萬兩一節碍難照准此批

內務部批僧溥常等請另行開辦佛教大同會呈

呈及稟報均悉該僧溥常等取消大同會前次草章及職員另行接續辦理仍用大同會名並解說佛語大乘主義以証該會沿用大同爲適當言之亦屬有理化本部前次查辦大同會謝楞伽等原不在立會之空名而在該會有藉端招搖之弊苟會規不違法令辦理果服人望依法律所規定原許人民結社集會之自由於名義上固毫無關係所稱消滅前會從新組織自是另立團體應准立案仰將該會詳章呈部存案可也此批

紀事

內務部警務局長孫潤宇建議施行律師制度呈孫大總統文

呈爲建議施行律師制度以祛訴訟之障礙而輔司法之完成事竊維司法獨立爲法治國分權精神所繫而尤不可無律師以輔助之前清效法泰西頒行法院編制法設置司法官廳以謀司法獨立組織未嘗不力願行之期年僅少數都會之區得以成立而民間已成稱不便司法機關用是不能發展推原其故由於律師制度之不施行律師制度不施行則人民之對於司法官廳不免生種種之惡感其現象有三試略陳之前清舊習慣司法行政掌之一人訴訟勝敗之數往往視訴訟者之人情勢力以爲差朝進苞苴夕釋

獯狂大紳一刺小民覆盆固已視爲慣常司法官廳設而一般武斷鄉曲者流不能遂其魚肉之願此惡感之生於劣紳者一也滿清惡習官吏聽訟慣行專制手段枉尺直尋惟意所欲近雖另設官廳而以司法人才之缺乏類多以舊時官吏考充此等法官不過粗習法政而舊時積習漸染已深時有瀆職之行授人以口實者以一濁而累衆清此惡感之由於不肯法官者一也從前受訴胥歸州縣並蓄兼收無所區劃自法院設置以來廳分審檢案別民刑其間復多階級權限之殊訴訟人不察動以管區違却下東西奔走幾於欲訴無門此惡感之出於不諳法律之徒者一也綜此三者致生訴訟上無窮之障礙欲去障礙是非設置律師制度不可蓋有律師爲訴訟人攻擊辨護事事依據法律紳既無所容其缺望官亦不能稍有徇違而自起訴檢查一切手續皆有律師爲之前導不致仍前無所適從民間惡感非但可以消除而律師之信用既彰則於司法機關且可因以發展其關係誠非淺鮮查泰西文化各邦皆有律師法之規定日本維新之初於明治二十三年頒行裁判所構成法隨後卽頒行辨護士法誠以司法獨立推檢以外不可不設置律師與之相輔相制必使並行不悖司法前途方可達圓滿之域比自光復以後蘇滬

各處漸有律師公會之組織於都督府領憑註冊出廷辨護人民稱便足爲民國司法界放一綫之光明然以國家尙無一定之法律鞏固其地位往往依都督之意向可以存廢故各處已設之律師機關非但信用不昭且復危如巢幕若竟中止則司法前途勢必重墜九淵潤宇愆焉憂之謹於公餘之暇採取東西成法就吾國所宜行者編成律師法案若干條呈請大總統俯念律師制度關係緊要准予咨送參議院議決施行庶司法機關得以完固民間冤抑憑此雪伸國家幸甚人民幸甚合肅具呈仰祈鑒核施行謹呈

司法部分職細則

第一承政廳

秘書長承部長之命掌管機要文書并總理承政廳事務

秘書承上官之命分掌事務如左

一銓叙科 掌全國法官及其他職員之考試觀察任免暨陪審員辯護士之身分名籍等事項

二經畫科 掌全國審判廳之設置廢止審判管轄區域及其變更事項

三統計科 掌調製全國審判廳民刑訴訟案件及監獄之統計事項

四稽核科 掌稽核全國審判廳訴訟費用罰金及沒收物品等事項

五文牘科 掌理一切公牘函電事項

六交涉科 掌華洋會審及犯人引渡並其他涉外事項

以上六科各置科長一人科員由部長酌量事務之繁簡定之

參事承部長之命掌理審議及草擬稿案事務

事務官承承政廳指揮分掌事務如左

一庶務員 掌本部廳司各庶務管理一切夫役人等事項

二會計員 掌收支本部金錢事項

三收發員 掌收發本部文牘事項

四監印員 掌保管及啓用本部印章事項

每科員額由長官酌量定置

工師工手由長官酌量定置

第二法務司

本司置司長一人承部長之命總理本司一切事務

一民事科 掌全國民事訴訟及非訟事件之報告存案事項

一刑事科 掌全國刑事訴訟及報告存案事項

一戶籍科 掌全國戶籍之報告存案事項

一執行科 掌赦免減刑復權及執行死刑事項

以上四科各置科長一人科員由司長酌量事務之繁簡呈請部長定之

第三獄務司

本司置司長一人承部長之命總理本司一切事務

一經畫科 掌全國監獄之設置廢止及變更事項

一監視科 掌監督全國獄官視察罪犯習藝所及假出獄免幽閉出獄人保護事

項

一營繕科 掌全國監獄之建築事項

臨時政府公報

紀事

第五十四號

十八

以上三科各置科長一人科員由司長酌量事務之繁簡呈請部長定之



臨時政府公報

附錄

中華民國元年四月一日

星期一

隨報附出

不另徵費

電報

袁大總統武昌黎副總統南京孫大總統各部總次長參議院各省都督公鑒前據王興漢陳聚呈稱查前大清銀行總行雖在北京樞紐全在上海歷年推廣分行四十處餘司其事者藉官權以奪商利挾部勢以搜公款營業遂佔優勝年來海內商業凋敝不予維持滙號錢庄大受傾軋以致相率倒閉市面一空貽害大局實由於此其資本銀一千萬兩名曰官商各半其實商股甚微股票爲京官權要壟斷得之故滿清度部倚爲外府官中公款與官中私款又較商家存儲爲獨鉅約計該行收放約銀六七千萬兩除眞係商款往來外何一非官款該行經理宋漢章胡六鄉等猖獗爲奸乘機而發時值上年九月上海光復預防民軍政府干涉遂覓寓滬三五股東開會於該行冒稱全體股東以謀抵抗并將現銀契據寄貯洋行一面移甲作乙暗將公款改爲私款使民軍無從究詰徧登

日報祇認官款五百萬其餘往來各戶存欠彼此結算等語逆料民軍北伐滿清政府不能圖存道旁苦李無人過問而股東多屬親貴宦中人可以肆其挾制卽殷富私家存款亦概置之不付滬上三五附股者受其利誘挺然代拄門面其實內容茫無知覺因平時每年股東開會皆在北京總行到會者皆有權力巨款之人各行監督向屬實官均部員充之微末商人附有小股無從插足其間也今忽儼然充當會員議長殆念實不及此而宋漢章等實以傀儡畜之上年六月滿清度支部通飭各省財政監理官行文各府州縣有現在大清銀行改爲國家銀行等因在案可見該行商家附股已在消滅之中就令以前官商各半然其中官款所存應歸民國政府公用亦屬毫無疑義豈容藉口商家股東出而抗阻之理乃宋漢章等罔利營私弗顧大局在銀行爲巨蠹在民國爲公敵論其大逆不道已屬罪不容誅尤可異者南京政府成立財政設有專部又乘間以股東會名義請將該行改爲中國銀行握持中央財政出入要求種種利益竟敢倡言保存商股五百萬兩所有此次民軍起義地方損失卽在官股五百萬兩內取償與上年廣告前後兩歧實屬貪詐已極等情叩請查辦前來據此查民國成立伊始百端待理而財政之竭蹶

異乎尋常宋漢章等身爲國家銀行經理應顧全大局竭力整頓乃計不出此竟敢捏造吞匿以圖中飽按之法律實難寬容迭經敝處函傳質訊奈該經理恃租界爲護符抗不到案不得已偵其出界派員捕護此事關係財政本可逕送財政部核辦因控案牽涉財政部故該部理應迴避由敝處照會滬上南北商會同敝處委員秉公核算總期一切公款涓滴歸公不使一二奸商任性乾沒也謹此電聞陳其美叩宥（上海來電八十三）

孫大總統鑒漾電悉痼瘵在抱無任佩仰津保被亂兵所擾保定較重繁市爲墟商民失業錫鑾蒞任甫經及旬連日官紳會議籌辦善後現已開辦平糶急賑並由紳民集合京津保善後協會實力進行俟定完全辦法隨時奉告惟款項奇窘官民並困無米之炊難爲巧婦各處兵隊漸復秩序亟盼望政府成立方針早定救人恤民莫急於此特此奉覆直隸都督張錫鑾叩沁（天津來電八十四）

孫大總統黃陸軍部鑒伍外交部長胡漢民汪精衛馮自由諸公鑒民國光復黃花岡諸先烈實式憑之頃擬修復舊塋拓地爲園募捐之文非克強先生莫屬乞迅大筆并望南京諸同志助成其事盼復同盟會廣東支部夏重民等叩（廣東來電八十五）

袁大總統孫大總統參謀部黃總長各省都督各司令公鑒頃接敝省劉公由襄通電敝軍已於昨午安抵襄陽沿途安靜左軍總司令兼河南安撫使劉公叩等情復准參謀部黃總長電陝前情查敝省前以南北交戰荆襄要衝曾委劉公爲北伐左軍總司令兼河南安撫使前往相機撫援以厚兵力自共和宣布後卽電飭將原職取消改爲駐襄司令官乃該軍因雨雪連縣道途梗阻遲遲始達猶復用從前職銜通電報告致滋疑惑元洪實深慚愧除由敝處再電飭遵外合亟聲明元洪叩感

(武昌來電八十六)

孫大總統陸軍總長黃外交總長王鑒敝處所轄軍隊紀律素彰而對於各國人士尤極盡保護之力故青萊等州所駐北軍尙不免時有騷動而敝處軍隊絕不稍碍治安乃日前唐總理過烟英德領事晤見時似形不滿意於我軍其中或別有用意亦未可知至於領事團會議請兵來烟伊等來援京津成例自圖保衛我等固無阻止之心但其中係少數人意見並未得領銜領事之贊成現處已編定憲兵隊於領事團界商界時爲巡防加意保護以裨外人又安論尊處通告寧滬各領事轉致駐烟領事各省安處并請唐總理電達袁總統知會外交團無爲惶惑爲盼魯都督胡瑛叩有印

(烟台來電八十七)

告白

總統府秘書處廣告

現於本府東西柵門外設立揭示處凡來本府投遞呈件者分別事項量子批答揭示該處以三日為限過期揭去嗣後凡來本府投遞呈件人等希一體知照總統府秘書處白

中華民國實業部附設實業公報簡章

本報為中華民國實業部之機關報故名曰實業公報

本報以宣布實業法令灌輸實業學識為宗旨

本報暫定門類如左（無則姑闕）

甲 圖畫

乙 法令

丙 著論

丁 譯述

戊 調查

已 電報

庚 紀事

辛 雜錄

本報爲發展全國實業起見凡外來文稿於實業有關係者當擇要登載酌量酬謝未登者恕不奉還

本報月出一冊於每月十五日發行

本報每冊暫售大洋一角五分（外部郵費照加）

本報代登各種實業廣告酌量收費

凡與實業有關係之各官署局所學堂公司皆有購閱本報之義務但各官署具印文請領者照五折徵費實業學生聯名請領者十份以上八折五十份以上七折百份以上六折

外交部廣告

本部於三月二日遷鼓樓前獅子橋所有電報公文各項函件希按址投遞爲盼

本報暫定則例

一 本報爲臨時政府刊行故定名爲臨時政府公報

二 本報以宣布法令發表中央及各地政事爲主旨

三 本報暫定門類六曰法制曰咨曰令示曰紀事曰抄譯外報曰雜報其
子目見前

四 本報日出一冊如遇國家紀念日星期日政府停止辦公時本報亦休
刊一日

五 政府對於各地所發令示或宣布法律凡登本報者公文未到以本報
到後爲有效

六 凡各官署皆有購閱本報之義務唯具印文請領者皆照定價五折徵
納餘另詳前價目表

本報白

本報局設在大總統府內

總發行南京花牌樓太平街四號

分售處南京花牌樓吉祥街印鑄局工廠發行所

南京中華報

南京中正街昇平橋易安精舍

外埠經售處

鎮江 興漢日報

常州 大街老王大昌

無錫 光復門內新橋二十一號曾瑞武

蘇州 城內因果巷四十一號許宅

上海 民立報

大共和報

時報

申報

新聞報

天鐸報

時事新報

啓民愛國報

神州報

上海 寶善街公順里仁和號

蕪湖 民立報分館

廣州 中國日報

香港 軍事報

天津 民意報

舊金山 大同報

中西報

少年報

檀香山 自由新報

印刷所 臨時政府印鑄局工廠